

# 2019-imi akileraarutitigut naligiissaanissaq aamma kommuninut ataatsimut akileraarutip agguataarneqarnissaa pillugit Namminersorlutik Oqartussat nalunaarutaat

Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi, kingullermik Inatsisartut inatsisaatigut nr. 11, 1. juni 2017-imeersukkut allanngortinneqartumi § 41 aamma § 42, imm. 2 naapertorlugit aalajangersarneqarput:

§ 1. Kommunini inummut ataatsimut agguaqatigiissitanik akileraarutitigut isertitat assigiinngissutaasa naligiissarneqarnissaannut aammalu kommuninut ataatsimut akileraarutip agguataarneqarnissaanut kommunit ataani taaneqartut 2019-imi tapiissuteqarfigineqassapput:

- 1) Kommune Kujalleq..... kr.119.601.000
- 2) Kommuneqarfik Sermersooq..... kr. 73.499.000
- 3) Qeqqata Kommunia..... kr. 120.682.000
- 4) Avannaata Kommunia..... kr. 174.730.000
- 5) Kommune Qeqertalik..... kr. 133.951.000

Imm. 2. Tapiissutit landskarsimiit akilernerqartassapput qaammatini tamani 1/12-imik qaammatinut ataasiakkaanut tapiissutinut agguagassanut tapertaliullugit.

§ 2. 2018-imi kommuninut ataatsimut akileraarummit agguataagassaapput kr. 540.000.000 kiisalu iluarsiiisutit, takuuk imm. 3, ukiuni 1987-imiit 2014 ilanngullugu kr. -4.696.000, 2015-imit kr. -4.119.000, 2016-imit kr. 53.645.000, 2017-imiillu kr. 37.633.000, katillugit kr. 622.463.000.

Imm. 2. Kommuninut ataatsimut akileraarut nuna tamakkerlugu akileraarutip akilersorneqar-tarneratut landskarsimut akilersorneqartassaaq.

Imm. 3. Kommuninut ataatsimut akileraarummit isertitat imm. 1-imi kisitsimmit aalajanger-neqarsimasumit allaaneruppata nikingassut ukiumi tulluittumi kommuninut ataatsimut akileraarutip agguataarneqarnerani iluarsiiisutigineqassaaq.

§ 3. Nalunaarut 1. januar 2019-imi atuutilissaaq.

*Namminersorlutik Oqartussat, ulloq 19. september 2018*

Vittus Qujaukitsoq

/

Nikolai S. Christensen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut